

摘藻堂四庫全書薈要

集部

欽定四庫全書薈要

集部

秋澗集卷

七八

詳校官助教臣謝登雋



欽定四庫全書薈要卷一萬六千一百六十三

集部

秋澗集卷七

元 王惲 撰

七言古詩

題薛少保稷畫鶴圖

晉公化筆神胎禽超超中有萬里心通泉老壁墮茫昧
此幅寫影逾精深細看粉墨色欲盡元氣突兀開雲林
雙脰森碧玉老頂朱砂丹舞風警露兩無謂理此修羽
何翛然毳毼不受世塵汙真骨照影蓬壺僊王恭雪毫

忽散亂幾點冷卧瑤池煙恍疑坐我九臯下髣髴清唳
聞秋天華陽宮深春晝閑晴苔冷啄松陰寒宣和六客
儘模寫夢不到此宮清妍蹇予三年事擊搏俛仰隨人
空飲啄長纓塵滿抗凡容比擬孤清餘愧忤君不見坡
仙作嘆真可人退易進難良自度摩挲老背忽驚心以
倖乘軒非所樂仙盤月露濯金莖綠野風煙連竹閣得
陪高步繞池塘老我何心望寥廓

僧傳古坐龍圖嚴東平所藏至元二年秋九月

張僉省耀卿處觀七年閏十一月甲戌公退
馬上偶得時秋苦旱冬天無雪

深山大澤物所蟄千丈懸淙掛青壁渾陰水黑不見底
老雨初聞元氣濕蒼龍何處行雨歸闕首踞坐紅雲堆
山僧駭絕噤不語萬壑陰霧生緇衣吐哉傳古隱龍性
隔戶寫影窺天機一從元化墮此筆飲海不復觀晴霓
世間畫本萬尺夔尾鬣一掩無晶輝比年一旱幾焚如
牲幣空事山川雩羣龍癡睡洞底黑六合任使黃霾污

何當鐵匣出雷火衝屋而去騰天衢六丁奔命僕射御
倒捲溟渤天瓢斟滂沱一洗乾坤淨却歛神功寂若無

趙邈齷虎圖行

田給事和
卿所藏

巔崖老樹纏冰雪石觜枒杈橫積鐵北平山深林樾黑
下雖有逕人跡滅眈眈老虎底許來抱石踞坐何雄哉
目光夾鏡尾束胯百獸却走潛風埃趙侯欲盡神妙功
都着威稜阿堵中想當礧礧噀墨時衆史縮手甘凡庸
至今元氣老不死神物所在纏陰風年前驅馬下靖邊

崖東突起草底眠腰間恨無鐵絲箭寢皮食肉空長嘆
今朝過喜一嚼快熟視須頂為摩編貨馴跣服暴戾息
弭耳道義思拳拳主人愛玩中有謂遇事炳變通經權
我聞漢家大獵陸冰天豸冠思賦長揚篇四方猛士今
雲合早晚龍廳到渭南

楊秘監百馬圖

孫子
譽藏

冀北之土馬所生息軒英爽房良精定年苑馬凡幾抹
故老一說驚龍騰大青小青帝所馭勢與八駿爭馳衡

先生此時行秘監扈從幾賦汾陽行翔麟日給盡龍種
春風不省鳴鞘聲楊侯凝神洞化窟筆底抹電流雲傾
當時一紙萬金重曹霸撫掌江都驚生平寫影幾千足
未若此圖真傑筆明窓一日百回看元氣淋漓悵猶濕
陰風獵獵吹旌竿雲黃草白沙漫漫大奴乘秋閱清峻
渥洼洶湧翻晴瀾浮深角壯遂天性不數南山之下沂
渭間安得武髯三萬騎濁浪蹴破東南天蒼茫回首鍾
山渡一凱歸來入漠關華陽春草三千里還似駟駟畫

裏閑

和姚左轄梨花詩韻

主人愛花情不薄，淚粉闌干愁寂寞。
東欄一樹要洗粧，走報詩仙揮翠杓。
醉歌不惜玉山頽，明月春風紛雪落。
杜詩韓筆世所驚，大敵無前鬪清廓。
王城春事歲如許，三載痴牀如酒惡。
何時翳鳳驂羣仙，華時吟眺青山郭。

絳州法帖歌

謝張元禮兼
呈按察先生

君不見晉人九京吾莫與，天遣元精留網楮。
絳州一帖

天下奇要以鍾王為藝祖內家中秘無雜收餉閒等書
為世取固知瓦注覲天巧虎卧龍跳照今古羗予嗜書
昧所守集古無由似歐九王城陸海幾燃犀不照光怪
駢萬首管窺雖得見一斑隨即遺忘非我有承君惠此
石本佳銀字模糊真弊帚奔蛇走虺幾千丈詭狀奇形
驚戶牖手追心摹日有得顏氏服膺承善誘明窓一日
百回看十襲深藏重瓊玖就云好奇家四壁破屋潤餘
豐且部三杯適喜逕醉眠墨池濡首追狂顛覺來捉筆

使揮洒往往逸興驚蒙顙裴旻劍舞凌雲煙作詩聞君
君豈然料應一笑絕倒乃父中令前

題趙仲器治古齋

我官御史二十月秩滿身閑在京闕朋從日約扣人門
閱盡名書古饗饗古人不作古意在鬼刺神劉多叵測
喜逢治古齋中老論說精英探天巧反觀呂氏博古書
照眼形模絕傳寶趙君陶鑄真好手元氣鴻濛驚再剖
典刑髣髴三代英賜器政宣皆弊帚免憂躍治不祥金

蟲臂鼠肝爭好醜

題都山老人慶九十詩卷次胡員外韻

古風三百聖所刪
福履詠歌先壽考
後人作計競朝昏
狗利覓官甘妄謬
正緣得喪損天和
稟受不須歸薄厚
劉公九秩固天與
護養風神逾稚幼
脫遺外物委路塵
保蔽元精若勲舊
歲寒霜檜自後凋
露影朝菌不終晝
笑看蒲水鴨頭綠
細捲春風釀重酎
一杯吟醉頰浮丹
不羨周人台背皺
古來紀孝錫類多
行見諸孫紛彩綬

惡溝行

在平陽翼城縣
北大光山中

西烏嶺下唐都鄙歛得平川心適喜馬煩車殆問前途
人說北山路無幾朝來徑走山南坡崗勢稜層登陞址
峰回路轉十里餘驚度惡溝深井底偃身直下幾百尺
十步徘徊九還止南來山行五百座屐齒磨平無可趾
折升雲頂俯哀壑山似鯨翻掀鬣尾羊腸絕磴盤不盡
盼徹前峰後如指王陽斥馭心固壯老馬凌兢垂兩耳
胷中大物已隱然又為此山相角踦我觀晉文非眼見

今日河山真表裏畦田高下畫不如烟崦人家穴藏蟻
晉人勤儉風土然山頂開耕自山趾一丘一壑凡幾家
而復唐侯風化始河東大抵九分山民既能勤生自救
蠶絲保障兩雖拙獨有一安差可擬山間一笑自絕倒
汝亦何為論治體忽當疑徑問畸人欲答予詢思所以
如君面帶麋鹿姿遽縛塵纓解蘭芷優遊文史恐難任
涉險乘危胡至此世人欲逸見利心捷徑趨時豈君子
終南譏誚責未了千古坦途人所履笑揮植杖指東張

汝急去予無我視若非隱者荷蓀徒行念斯言真到理
暮投僧舍不能眠走賦鄙詩還自筆

題趙城南王開鋪樓壁

老澗盤回幾千曲洪水平來兩崖出邑居遠邇依地形
南北經行者不足羣山掩映肺腹如河水縈紆衣帶足
畦田雖狹水所腴風俗儉勤仍歲熟東西南北總除官
此心少盡物自安區區薄宦封丘耳有懷莫遂空長嘆
為問霍河橋下水驚湍能激懦夫肝

清江引

為僧永
真賦

秋江水清深幾竿漁郎放舟煙渚間中流舉網紫鱗出

不祇博酒供盤飧借問漁翁樂何主泛宅浮家無定所

賣魚生怕近城門肯到紅塵污人處蘆花兩岸晚潮平

憶着蓴鱸思徑去朝廷物色那可得澤畔行吟何自苦

滄浪水清濯我纓林婆酒熟容賒取人間萬事一醉休

睡殺江南煙與雨覺來滿眼是青山獨著綠蓑還自舞

漁父樂真可與細寫焦桐入新譜

謂琴操有
清江引也

揭來山

城官事紛簿書曹吏對斜矐展圖空會漁家趣我恨不
若江頭人

張郎中彥亨督太原祇運道出平陽索鄙語為
餞因賦此詩兼簡子初宣慰

元年天策開明堂千官劔佩爭翱翔當年張君正年少
挾書不減陳君康我初得子知遠到自笑野鶴空昂藏
河山分陝嚴津吏六道煩君居右地十年坐聽棹歌聲
置散投閑非所喜試難去易凡幾書思遇蟠根伸利器

南來督運并門煙鞭籌心計驚孤騫萬材蔽河晉山兀
目中已具龍驤舡生平故人王衛州東南開府羊杜儔
竹頭木柿方並蓄如君俊才當見收自憐右屬橐鞬意
射圃何時補唱籌

平陽官府行奉送部掾劉文偉北還兼簡省臺
諸公

平陽官府居上游我來視事星未周眼中之人競筆得
東西兩曹李與劉一朝歲貢入民部折獄論文欲誰語

老夫雖獨心所喜雙鶻乘秋者掀舉自憐白髮一衰翁
終日區區簿領中米鹽細碎固當略要以不盡心為忤
君不見鄭公溫國兩通判至今德業昭河東嗟余何為
秩與等正有報國公而忠何顯至言豈易得眇眇孤懷
庸自適因風寄謝臺省公倘有倅來慰岑寂

鵜鴂詞甲戌夏六月宿李將軍林館聞之有感
而作寄友生王宣慰子初

樹頭玄衣郎往往人罕識汝舌幾許長音響乃爾激穿

空裂霜竹借問何所職農家呼汝為夏雞隴月向斜鳴
不失田間趣起早耕人秀樾深藏曉無迹陰陰夏木共
山邑二十年前讀書客一聲驚夢入幽窓露氣滿空庭
樹黑只今早暮無所為兩眼眵昏頭雪白咄嗟禽鳥逐
時新我髮何由黑如漆

游姑射山神居洞

幽巖洞如瞰陰壑洞口飛甍架虛閣真仙乘龍竟何在
香火千年事如昨蒙莊一言疑萬世槁死荒山凡幾輩

何殊山石老且頑我欲砭訂其能還呼兕笑折山花省
淡白長紅恐自然

北洞

名王母洞

南山截然如案齊東西兩崖相抱圍洞中仙人去不返
老柏滿巖空翠微我來天氣二月初山鳥山花皆友于
野情本於樵漁熟莫遣遊人避使車

銅方爵歌

荒陵盤盤枕山垆石林埋沒秋草平陰燐夜出金作聲

牧兒走避羣雉驚佳城一朝見白石神物還從野人得
勒銘壬子歲幾遷考究古書猶可識篆文鐫刻非近世
周鼎殷盤迺倫比兩柱作撐闕

貝形四趾垂象齒雷章

繞腹隱觚稜老鳳喙長驚下墜玉花繡澁不敢蝕翻成
翠羽丹砂紫我觀三代制飲器多圓體吐爾形模方劉
刺殆神鬼秋菌春蕭非可比物之隱顯固有數流落君
家得所止士雖好尚具眼少博雅如卿古君子補亡呂
氏尤取重元氣淋漓開太始君不見達人大觀者今古

一昏曉人生極壽百歲止作計千年意何貌我歌君試
聽古人誰盡了九原不復作此器君當寶一笑樽前為
傾倒

短歌行山中寒食作

花枝入籠晴晝長遊絲翻空網春光一聲金縷酒滿觴
聽予短歌踏春陽雲淡風清日將午信馬東城歷烟隄
人家野祭澆墓田白白紅紅滿原圃飢鳶欲下影婆娑
不待墻間徹盤俎陂陵高下來麥青青貴賤賢愚同一所

况茲百歲忽如寄過眼浮榮誰比數古人感此由重論
力取功名照千古東岡畸人說隴西攀附雲龍總風虎
鉅株枝散勢莫依蕭索荒丘穴鼯鼠豈期健婦持戶門
一片豐碑論世譜林宗不作蔡邕死旌紀紛紜爭媚嫉
銀罍酒煖藉草坐滿引一杯私自語吾家先壠在衛南
老栢如林百年許起身耒耜世有澤嗣及先君擬掀舉
生平抱負奈數奇賡志下泉良獨苦悲纏風樹逾一紀
業在青箱恨難抒我柯有斧睨不遠負荷至予尤莫取

一官羈勒晉州城竚望南雲淚如雨

風秀丹山歌

至元壬申來官平陽得之於錄事叅軍周幹臣處周
予弱冠時同舍郎也十一年春三月十五日與兒子
閱讀王黼朱勔傳及僧祖秀華陽宮記因作此詩以
贈周云

宣和寶石真淵藪萬狀卿雲照靈囿當年幾鑿太湖空
羸得綱舡枯九有丹山風秀微所譜裊裊金書瘦於柳

周郎攜自河陽城夜壺雖深縱豪取一峯突兀玉孱顏
曾在紅雲顧盼間先榮後悴物常理我今感汝為長嘆
竭來伴予茆屋底憔悴秋娘歸故里清燈搖搖光滿几
爐煙作雲研涵水老虬蟠屈似求伸隱隱猶能鱗甲起
此時對君心境閑人為物遷今亶然掩書暝坐清思遠
夢繞華陽松桂寒我思象江老守尤酷嗜不惜千金輦
致來長安家無婦兒居無廬六石與伍歡有餘義山賞
識豈徒爾愛蟠好尚極類古人之意歟一杯下咽歌者

誰南廊小子王共谿

醉歌行

蒼陂水漲玻璃滑堤柳含煙翠蒲茁當年亭館已陳迹
老樹遺臺猶秀拔我來置酒池上頭使君不負驄馬遊
縣曹供帳散平碧呼集妓樂羅珍羞君侯一笑開懷抱
十日東風醉芳草自嗟客子何所有春色三分二分老
人生歡樂不易得況值清明時節好終年塵土簿書裏
未礙金罇重傾倒湖光照眼明羅綺碧漱瑤翻歌扇底

氣酣急遣張水嬾取樂不論冠佩委溪風吹面穀紋生
兩葉蘭舟撓鼓起紅衣飛墜彩繩高沒入蒼烟驚躍鯉
郡人亦喜歲華新四面縱觀空巷里佳人弄水夜不祥
公子聯鑣特觀美錦筵香細酒不空既醉窮歡忘誇靡
溪神捧出柘枝娘翠袖娉婷矜便體繡鞋畫鼓隨節翻
羅襪塵生步秋水一春盛集固云樂此會賓僚尤燕喜
山陰修禊晉諸賢暢叙幽情差可擬客言行春似蜀守
醉到浣花而已矣樹梢晴日向斜暉使君皂蓋先醉歸

就中二公最愛敬移次臨流盡餘興一杯未了風翻浦
山公倒載尋歸路自憐白髮非春事多為湘妃厭歌舞
呼兒覓紙紀歲時不以斯文烏所覩至元乙亥三月春
元已纔過日在寅浩歌月底還自笑醉裏詩成似有神

上二公謂同知張
明卿治中忽英甫

玉壁城懷古

至元甲戌冬十月廿五日由稷山入萬泉道出故城
臨風弔古慨然有作

我行河東幾欲徧大抵盤回山阜轉南崖高與北山齊
玉壁城根分一綫荒煙廢壘點抔土砲具梯衝經百戰
短碑盛說鄭君靈萬騎陰風想平甸一曲悲歌敕勒川
當時神武已淒然韋公守禦儘良策更着百升飛上天
乃知誑殺咸陽日即是邕皇入鄴年

鄭君韋孝寬封號
有宋元祐間廣碑

邕即宇文武帝名建
德六年平齊入鄴

聽祥師彈琴

冠帶對臯吏三年簿書叢王事固鞅掌我祿亦已豐有

時意不慊耐此硯磊胸濁酒餘妙理中堅若為攻朝來
偶過野僧話禪房花木幽而通坐中靈府覺虛寂祥師
為我彈秋風古人不復作古意留焦桐秋聲瀟瀟隨指
發煙篆裊裊索簾重悠然拂衣起遠日翻冥鴻閑愁積
思失所在槁葉一掃千林空

襄陵行

暮春庚辰日維丙駕言出遊事耕省西郊微雨半晴陰
幾點殘雲霧山頂馬蹄踏破落紅香飛蓋追隨垂柳影

晉人熟食一月節店舍無煙竈厨冷春到襄陵滿縣花
綠陰池館揔姚家清尊遠酌會心賞不與鶯燕爭春華
畫輪歸碾故堤沙金店西頭酒更嘉舉杯為憶劉漢事
雲龍風虎何紛拏帝淵東開蓄峻址青衣行酒真驚麕
褰帷一笑兩寂寞野老指點宮臺窪萋迷碧草荒城曲
依舊溪流帶北斜

贈賈主簿德遠赴春官

唐風思遠非難治竊戒官僚多自棄賈居三載趙城簿

一縣至今稱事事秋風告別赴春官千里辭親不憚難
須知捧檄毛卿意要盡平生菽水歡

戴嵩畫牛圖

吳儂四時耕瘴煙吳牛見月心茫然戴郎此本極閑逸
筆意遠出韓公前解縻脫鞅春事畢江皋野草香芊綿
歸鞭影亂散平楚考牧大似斯千篇因渠喚起歸耕興
夢到西山谷口田

李營丘寒江晚捕圖

古人不地着所向無賦租漁蠻舟為家一葉縱所如斜
陽淡淡明江湖萬魚戢戢依寒蒲幾家罾網晚未已博
酒欲得杯江鱸卧牆傍舫宿波面不爾風浪防艱虞何
當醉帶笊簪去添我煙波作釣徒

七夕日同府僚觀稼西郊

秋風瀟瀟吹遠林兩山極望秋禾深同來觀稼憇樹下
把酒一笑高槐陰天公成事乃爾易一雨變作豐年金
田家耘耔心未已當午相看理荒穢鋤端信有三寺澤

更為禾頭添粒米自憐微宦西復東且喜所向無災凶
丘民得所能事了我祿雖薄亦已豐老農堅話使君惠
我曰論功歸太空天子仁聖感召和氣致時雍

黃崖行

黃崖峪深能幾許殆似赭餘無足數寧知奇石產山腰
一脈砌如縈綬組青章紫質含玉潤錦罽爛斑驚製縷
楚雖有材為晉用山節星馳來歷覩簡書專摘正官臨
敢惜筋骸嘗險阻褰裳上下谿谷間石角鉤衣互撐拄

是時秋暑八月交背汗浹流氣煙吐班荆坐憇還自笑
汝是愛山王判府守官四載愧無功今次於公竭肱股
役夫分功日有程荷鍾持鏡編什伍推堅抉礙先墓腳
不假鞭驅矜智取風埃蔽壑散雲烟巨石磳崖轟戰鼓
不遑蠟屐阮孚遊真作伐山靈運舉老翁炷香適何來
再拜向山親呪詛溟滓纔分有此山其在晉邦羣玉圃
山靈萃秀不自銜埋沒荒山幾風雨材為世用出有時
一旦承恩藉君武漢家制度陋嬴秦大起明堂朝海寓

堂堂天策干維城建國分茆開雍土正須壯麗稱王宮
不爾何能回萬舞我今問翁汝何為扶杖丁寧前致語
翁云匠業居此山薄技傳家自吾祖我雖垂老喜見此
側陋明揚遇時主夕陽欲下山更好疊巘攢峯爭媚妩
人為物蠢固亶然石兮石兮今玉汝

曲沃道中與老農語

大尖山前好原隰隴畝橫縱忘南北人家種麥秋社前
一涉蒼煙朝雨濕田家稍豐即昇平十年遊宦初無成

會須了却人間世白髮歸家伴汝耕

新道成車中即事

蜀山天險古所畏少陵有懷真宰罪壯哉此舉見成功
一日連峯驚破碎老農偃偻向余言所謂一勞而永逸
相攜徑下弱羊顛鳥語山容兩豁然牛箱籠負連連出
坐看輕塵抹白煙

金店馬生者贈余峴山圖走賦是詩以謝之

平生愛山復愛畫近歲長游石林下暫還大府宿金城

喜得馬生同夜話共云馬生非畫徒見來情性溫而愉
坐間贈余峴首畫江山秀潤與馬俱取之非云奪所好
開卷即與馬生對坐隅物微意厚將何答走賦新詩當
乘珠

山中礪研歌寄商左山副樞

有石有石玳瑁色遠出姑山兩崖側我來伐采偶得之
玉潤金鑑駭清越海霞蒸發爛朝暾蒼雪糊模點晴碧
石中乃有此理存斲就庚庚玄色璧又如神龜負圖出

淵水偃仆沙頭曝秋日山中長夜有餘暇老眼看書苦
無力挑燈礮洗愛奇章憑几坐餘腰膝屈書生習氣老
不除筆研留心朝復夕自憐持此果安用欲擬三冬文
史畢呼兒起視夜何其斗柄參橫插東北

題董少平廟壁

湖陽蒼頭虧政刑湖陽新貴帝女兄漢家三尺有成約
臣宣守法身為輕生前取奴縛車下洛陽一市為震驚
大奴走匿魄已褫小奴側足回輿行含悽入奏溫明殿

後漢
殿名

萬乘起謝難為情祇知強項古遺直我愛世祖英
而明一丘荒土青山道下馬陵前拜秋草應笑權姦百
鍊鋼比似柔荑指堪繞

吳娃行

至元十三年丙子歲冬十月廿八日亡
宋皇太后謝氏次衛州唐津渡是日即

舟行東下

故有是作

元年長星竟天芒

謂至元
元年也

十年而後江東亡元城老嫗

忍不死奉璽北走朝天王內家監領分嬪嬙魚冠高髻
猶宮粧翠衿縞袂不曳地言語無異甌閩僮南來初渡

鍾山江羅襪去踏燕雲霜風塵千里河朔道慘淡粉黛
無晶光憶昔掖庭初選入十五十六先後行深宮花滿
春晝長芙蓉水殿薰風涼朝儀雙引垂紫袖珠櫳曉侍
熏籠香祇知秦娥一生花裏活眉嫵老學吳山蒼一朝
兵合景陽宮故國繁華似夢中兩宮問寢紫宸仗往事
盡逐江煙空黃帷幕野待水次郡縣護送浮航東萬人
山立省且嘆二國大略今古同太極殿前天子班玉觴
上壽頽龍顏柴家母子何負汝賜與僅免飢與寒悠悠

萬事不可必天道好還歸有德就中此理誰會得蓮花
峯下高眠客

鎮州懷古

吏部聲華山斗重身處平時若無用積年王湊失臣度
諉使賊庭撩虎鬬舉朝嘆惜誠不測天意中間表奇節
血衣滿前盛氣臨一語未畢亮鋒折鎮人萬目矚使華
五紀得瞻唐日月嗚呼藏器於身利有餘不遇蟠根何
所別

周卿二子歌

周曹兩家世系長伯仁之德再世昌諸生詵詵見身後
不數謝家蘭樹芳大兒讀書書滿箱小兒竹馬青衫狂
掌中瑜珥生輝光紅點杏蕾爭晨粧外家碧冶東西堂
金粉滿貯芙蓉香今冬書來召歸省要畫百子春池塘
伯仁有靈亦含笑紫川淵流殊未央紫川淵流真未央
冬十月朔展墓回有感

新壟多故人少野祭瀟瀟滿荒草十年重到故鄉山前

日兒童冠佩好我時引鏡還自憐五十衰翁能不老正
須萬事聽天公不用時晴生熱惱流行坎止即吾師試
省古人誰盡關

蕩樽歌

海居兩間勢雄尊地維大荒足怪珍春雷奮蟄地軸裂
氣雄蕩木驚輪困雲蒸露濯玉幾圍癭異不數蒼筤孫
洞蜚杯飲變古法鬱屈斧斷蒼龍根一朝六鑿混沌竅
海潤猶帶風濤痕初疑神螺闔首髻鬟古復訝凍芋出

土鷄鴝蹲坤隅古非禁酒國桂醕碧漱瀆池春木蘭花
發雲鸚嘖野飲挹彼供鯨吞江妃竊弄山鬼看深夜嘯
擲吹燈昏炎洲北走落君手孝節閱世清而敦廣平磊
落書載腹時浥妙理開清樽金疊玉竿非我事正須一
日不可無此君殷彛周鼎列左右碧花繡澁腥龍紋蕩
之為尊尤可人蹇予蕭散嵇劉客黃爐久為河山隔來
遊都邑徒永久若戀明時無寸策新豐樹色繞千官滿
馬京塵歌偏側何時為渠醉倒花底眠一夢婆娑竹林

國

西京王生歌

君不見西京王生一布衣游談公卿奚事為解紛畫策
作陰助顧盼勢利輕塵泥廷中結襪似倨傲一語能釋
當時疑惜哉太史偶失世與諱至今義烈猶光輝乾坤
英氣初不問乃今復得是子趨人之急逾已私襟期
在在許諾重駿足肯受黃金羈凍雲曉拂銅駝陌雪花
淡與梅爭白平明東門問給事回家近沙堤儘春色新詩

吟繞錦窠香笑作平原眼中客人生百歲駒過隙只有
聲光為可惜大夫適意杯酒間意氣愛君多感激岷峨
秀色錦江波萬斛釀薰貯胸臆綱緇都作濟時具辦與
朽株為粉飾吹噓寒律變陽春未讓王生謀緩急君家
義鶻固有歌更為樊川搖醉筆

秋澗集卷七

欽定四庫全書薈要卷一萬六千一百六十四

集部

秋澗集卷八

元 王惲 撰

七言古詩

入侍行贈董符寶

君家大兄吾故識君家三兄乃友執遊談仰止有歲年
只有八郎初未覲八郎內侍五雲深五雲宮闕何沉沉
此時密邇司獻納夙夕忠謹餘丹心人知掌中金窠篆
握螭螭重豈識兩袖中有蒼生霖採聽民瘼懷惻怛納

至稼穡艱苦歌謠情聖皇達聰豈有既天語夜久何丁

寧御幌香暖代鳴玉高枕安寢神遊清翰忠往往掾時

弊筆諫不數公權誠君不見西漢元封神爵間兩朝貴

幸張與金長楊蓮炬滿宮館正以世閥遊從列九卿何

如董侯剛方見持五大冠修劍明月簪日華光動鬱金

袍鳴鳳翔集朝陽岑一從通籍愈忠懇四海知有萬石

不為富貴之所淫書生薄祿不足惜風化正爾基周京

炎蒸幽朔今一執好承清閑之燕請君一鼓解慍南風

琴

小山行

我昔東登泰山頂直度天門歷參井十年四走華陰東
仰面蓮峰落天影岱宗坐如太華立夢寐至今猶耿耿
竭來塵土客京師長往無時空自省愛山復得馬僉書
相對高談冠佩整馬卿有石寄禪疏護持擬與經函俱
中峯魁岸大人坐兩峯傍翼始若庭立而議相承趨我
因閑遊叩僧戶見之清興為起予摩挲攜去便許諾喜

過中流失舟還得千金壺汲泉滌濯挾泥滓特置斐几
為膏濡君不見羅池謾作萬石記娛悅已棄荒夷嵎一
拳泰岱墮吾前寸碧點出遙岑圖博山香煖黃金爐細
煙蒸潤翻飛鳧芳菲來助怪石供縞帶一縷山腰紆有
如岫雲雨歇歸洞府變化滅沒還須臾羗予本是山澤
臞澹然對之氣安舒年來便靜百念吟今復樂此依稀
仁者之徒歟山容忽開欣我主瞑目便到秦觀吳觀之
仙都茶甌去手風生腋飄飄如駕天門昇月明窓影印

庭栢落落恍倚秦松株地爐火熾紅艷發又似日觀坐
看日出海湧金輪孤茅齋一夕得此樂冷却案上熊蹯
腴微官不到奇章公甲乙乃有奇章之一太湖它時南
歸富潤屋不愁室無僕孥居無廬殷懃厚貺何以謝我
欲贈之雙瓊琚瓊琚雖美未足報拜贈新詩永為好

沙堤行

君不見漢家日月四百載比隆三代追唐姚經綸帝業
顧多士規隨始自曹與蕭又不見丙與魏孝宣中興賴

宏濟似慚變理化權衡重以文儒緣吏事羽毛千古動
雲霄黃閣清風兩無愧潭潭政府中書堂朝廷思治具
畢張歷觀至元中統間諸公翺翔位時昌相君繼踵叅
摹畫快決不數陳元康況今炎風朔雪混一統軍國庶
務何穰穰一朝鳴佩見獨步思波鳳沼翻晴光小心清
慎富籌策人望翕爾稱賢良房謀古推帷幄傑匪以杜
斷疇能將璣旋衡幹日萬計夙夜密勿心靡遑愛君南
選儘公允要使四海桃李俱芬芳我常叩君見餘蘊選

進大已歸鞶囊柳陰大道沙堤長迤邐遠並宮園傍錯
金金軟襯珂馬火城前導光煌煌行人走避嘆禮絕焜
耀赫奕何非常相君報國有能事澤民三代君虞唐火
城沙堤誠足當况茲三陽排疑出九地君子道長羣陰
亡惜哉時乎不易得為君一言陳斐狂蕭曹開濟固云
重丙魏論思詎可忘

羽林萬騎歌

至元丙子歲立春后三日醉入奉御宅明日酒惡隱

几坐殆不能為懷遂取通鑑閱唐明皇帝清宮事蹟
作古樂府一章號曰羽林萬騎歌書付表弟韓從益
且浮大白數四覺酒氣拂拂從指間去矣其辭曰

韋娘雞晨遵纂武北雞啄李求太女履霜得冰忽深戒
禍始房陵帝私語神龍殿前虹貫日王氣龍池濯烟縷
羽林萬騎驍且雄守捉內外生陰風羈裁文豹虎衣炳
扼腕久弗諸韋同潞州引駕眼橫電虬髯英姿真太宗
暗中結納許清禁繼以幽求玄禮仙鳧忠玄武門前聽

二鼓散亂天星隕如雨平明一掃妖氛空相王已是玄
真主東城瑞靄朝日鮮五王甲第臨天淵三郎歸來龍
在沼晴波翠艷終南煙開元隆平此張本烟火萬里春
熙然誰圖勇斷蛾眉劍翻作環兒並轡鞭

畫家有王
環並轡圖

瑞雪歌

丁丑歲正月
初六日夜作

去歲一冬無雪雨地不藏陽變恒煦就中氣運北自南
江表嚴凝比燕土今年正月日丙申我將中堂聞好語
聖恩滂濡來九天四海祖徭盡蠲取宰臣奔走播德音

雷厲風飛開萬寓油然雲葉合中天一雪平明幾尺許
建章宮闕玉崔嵬華柳蓬萊氣先吐漢家燕南三百州
千里飛章賀恩溥天人上下本一致和氣致祥乖則異
方春甫頒寬大書埃翳四開天地閉春秋盈尺書有例
太史紀言真上瑞都城十日沸歡聲宿麥連雲見豐歲
民賴聖皇千萬春長開明堂布恩惠元和老臣愛君深
賀雨詩成伸戒勵小臣今作瑞雪歌要見天心愛民意

謁蘇墳

神嵩崩騰萬馬東汝流西來橫玉虹山川秀潤不少悴
知有峨眉老仙宅其中先生立朝有大節南遊天使完
其忠胷中英氣蟠不盡餘蘊散作文章宗天章昭回爛
雲漢下探萬古英靈空前年西堂覩先生之真像今年
此山拜先生之堂封嗟予何者有此幸青藜得照龍淵
宮汝陽樓上重回首安得追逐逸駕攀高風滌濯固陋
開顓蒙公雖僵卧其猶龍

雜言送文郎中子周宣慰江西道

君侯交遊二十秋，胷次磊落誰與儔。湖海豪氣老不減，
百尺高卧元龍樓。三年京師馳馬客，搏擊快似鷹脫鞲。
郎官民部纔十月，持節特慰江西州。堂堂提封幾千里，
陽開陰闔無深幽。滕王閣上洪都酒，孤鶩殘霞重回首。
江山滿目詠我歌，一曲陽關渭城柳。聖恩柔遠思悠久，
化自周南同九有。大司綜理固多端，急手先湏撫瘡痍。
四民樂業兵有制，盡徹湖陂變耕畝。時驅大旆擁行軒，
布德揚威超春首。丈夫此時不有為，何者功名垂不朽。

我雖鍛翮思奮飛會把一麾仍出守

義士姜侯歌

并序

歲辛亥秋燕留守府叅謀劉坐事就死屬其孤於友
人姜君諾焉既籍沒姜為伸理其子達官怒其僭張
弓射之姜不少懼即裸胸以逆遂義而從其請自是
姜君義烈聞燕趙間後折節從趙雲夢學非其義一
介不取諸人丞相史公賢之以賓客禮焉至元丙子
冬同張彥魯入燕聞姜云亡追念往事為欷歔者久

之渡易水之悲風荆卿已去念朱家之長者今復何
人爰作歌詩庶幾紹擊筑之遺音云姜諱廸祿世燕
人子尚其字也

叅軍屬孤出鬼幽姜侯諾之無滯留一朝赤手編虎鬚
義氣凜凜橫霜秋命輕義重泰山比白羽迎射身熊侯
孤兒挈歸免孥戮姜子拂衣無所欲朱家素擅長者風
睚眦椎埋真碌碌魚紋三尺澹秋波千丈聲華光輦轂
至今燕市人嘆羨五百年來未之見張卿說似予作歌

庶激清風代君傳

趙穆篆隸歌

古人富席玕璀璨玉無玷兼善不並稱例為長所掩予
觀當塗文雄放雜淒淪一朝玉筋名餘作鋒鋦歛是知
學與才相湏成琬琰六經學淵會熙緝光自燄道藝貴
自得含瑟想曾點陽永嚮匪斯文徒祗解篆畫方園撫
千言落紙極停穩一雋而後將無餘明昌王趙稱文儒
問書竹溪真起予微言提撕何理到歸讀六經茲本歟

趙郎脩脩姿態殊十年弄筆好古書嚮來客燕見其作
殆似蟬欲蛻殼蛇遺膚去冬丙歲復入燕趙郎篆學超
於前我為驚懼問所以答云近得松岩之秘傳惜哉高
君今已矣黃壤不沒蛟龍蟠嶧碑岐鼓得遺法趙郎手
追忘寢餐我因為渠概一言書至形似真徒然行逢碧
落卧其下發塚親得中郎編胸中塵俗何由蠲正須力
讀經與史他日會見將與松岩並驅相後先

食梅子有感

穉歲食梅矜行輩並撥連揮嘅長喙近年羅列雖滿前
黃熟有餘聊雋味極餐不過三數枚老頰流酸牙莫對
物逐時新歲歲同人到中年凡事退潮陽南還幸不死
齒豁頭童足悲慨我今五十齒雖牢食不能多行亦憊
只有區區行志心昔與今同人不逮

潛齋歌贈中山知府史子華

潛齋有志操不為浮榮污曩衷剏豪習概之詩與書吳
鉤佩錦帶寶校千金駒溢目不回顧棄如履中苴嘗出

試所學三年事徵輸衛人樂安便歲計公有餘淵潛不
自珍昭然靄芳譽不覲五載強去冬會燕都與語覺道
勝行身老諸儒神王氣骨清兩目秋鷹瞿叩門來別我
朱幡擁高車去作定州尹志意何安舒余思潛之功於
焉見容與中山物繁稱奧區燕南劇郡此要途大兄持
節官衡湖四郎按部參旗墟一門鼎足列清要正有報
國忠而劬凝香燕寢供坐嘯紅旗鐵馬無邊虞心清事
簡自多暇輕裘錦爛光鄉閭况君才高足為治聲聞日

向天朝趨書來不必諮議丈八盆邊有二蘇

長慶行酬暢純甫贈元白二集

長慶詞人幾勅敵名動華夷說元白拾遺樂府即諫章
相國絲綸號新格天教韓柳出全時要使詩壇闢清逸
年來愛白復愛元老厭風花喜情實圖書東壁黯晶熒
五十年來無是集有時擬賦三兩題斷簡殘編僅佔畢
暢君好書似鄴侯荷囊去躍龍驤舟臨光醺酒參幕畫
佳麗者盡東南州棄人所取取所棄青帙萬卷堆行輶

滄江夜靜虹貫月不羨克室琳琅璆三吳歸來巾一幅
蝦蟆池頭兩椽屋足跟不踏貴人門磊落羣書載其腹
自欣滯貨潤有餘贈我兩編償不足恍遊赤水得玄珠
笑入荆巖抱和玉脩脩庭竹北窓風准備殘年霑賸馥

虎牢關行

至元二年夏六月予與總管陳慶甫考試洛陽東還汴京道出其下

鞏原北望河洛郊嵩卽東走脊尾高憶初洪水勢方割
湯湯北滙深淵壕千年水去兩崖出天險東阨開成臯
中原失鹿在所逐河山戰氣秋蕭騷當年劉項儘勍敵

阮生猶為嘆非豪竇王犄角更可笑如蛾赴燎其能逃
秋煙古戍深黃蒿狐狸夜上關頭嘒空餘千古荒城路
輸與行人說爾曹

送齊彥僉事湖南

廣平一生真相業老坐朝堂振孤節理明有守見不疑
萬事全來能勇決我游洛師此盧龍嗣侯共事多相從
文章翰墨有定價落落真有先相之遺風今年白麻拜
新寵去去按部江西東朝廷妙選正有謂雅志不負溫

郎驄江南綠水天四圍秋風吹野百草腓煩君華岳峯
尖舉着眼飛翔覽德輝

商鼎歌 并序

燕士張君文季讀書不求官治生不務富稍有贏餘
即購求古器畫為事故其家藏三代已來鼎彝敦卣
及前賢法書名畫甚富素負藻識遇夫竒妙不惜貲
貨期於必得既得之後傳觀借玩初不吝惜暇則明
窓斐几展席陳列廼沾沾而喜曰古人不作古意尚

維商賢君六七作禮重烝嘗制於鑠只緣近古俗忠厚
象形作器窮精鑿敦彛鍾鼎賜臣工重比謚贈縻天爵
當時文獻不足徵故家餘俗歸寥索蒼銅不逐大社凶
千古流傳誇顓噩供佛牀頭夜壑深物歸所好得真托
張君稽古負精識入手摩挲三嘆息兩耳高撐足拱三
六乳附觚何的歷餐饗繞腹雜雷紋紫翠英英悵猶濕
細觀欵識商父丁崑玉南金非所惜平生淡癖心不足
此日大嚼情暢適模形遠紹考古圖發揮假手詞人筆

君不見當年莘叟負謁湯高宗彤祭雉雠萬黃金塗耳
玉鉉光此事傳聞已陳迹一朝恍墮三臺間神明之器
今日擊或裊沉煙讀誥盤或浥殷谿煮巖石尚友直探
三代英平生閱古心方畢

歸夢謠丁丑歲九月二十三日夜夢陳總管作
時為浙東宣慰使十二月二十日密縣王縣
尹至知公於九月七日為越之玉山賊所害

五更歸夢東南長越州城府山蒼蒼我遊不省夢中客

浮雲樓觀爭翱翔節齋枉駕來就見上簾遙喜瞻清光
倒衣走欲降堦接陳公出避朱門傍斯須往請登西堂
要話久別傾肝腸我公不之見蕃師滿禪床卉服魁結
舌碧眼須眉龐爭先問訊展恭恪青松亂踏天花香就
中老沙彌合爪伸圓吭向予致呪語陰福來穰穰思公
罔覲對佛子坐久心思方彷徨僣來促起公召汝導我
前往穿行廊追奔接踵歛不見如瞽失相徒俵俵平頭
闕首告前路終惑所往心為狂惘然推枕若有喪但看

落月滿屋梁我思與君別屈指一載加相思葉黃江水
碧神交日夜心馳遐自春徂秋三入夢似恨海角天之
涯吹燈信筆成詩句病眼溪藤亂紫花

時病新愈又暗
用樂天元九紫

藤花

日蝕詩

至元十四載維龍集丁丑孟冬丙辰朔詰旦陰風吼朝
家有移告日蝕百司守伐鼓幣用社庶嗇閤奔走都城
十萬家竟日喧金缶壯於田軍兵聲勢助衝培盞水觀

日景占刻入午辰

蝕午正二刻

陽精從西虧若有物噬吞初

省偃珥玦再覩已半輪終風轉蓬勃天影慘以昏斯須

食之既陽光部無垠始似昏暈鏡久乃挂鐵鉦團團溢

陰影環輪玉為繩晴天朗晝藏厚夜九衢草草人面青

衆宿不多出爭光見三星

謂瑱星角大角三宿也

只愁六鑿渾沌

死蒼生百萬淪幽冥盼盼向申正輪圓復其明炷香再

拜立前廡魂魄動盪人尚驚隣翁行年八十一如此災

變見未曾我聞長老說日月中有烏兔精顧兔固微物

性狡陰邪萌人間三窟厭不處緣雲入月為家庭太陽
養火烏赫赫森神兵飼肉祝融家渴飲咸池冷二足利
鈎戟炬火燃兩睛婪婪鐵作喙啄雲下開變陰晴曜靈
壯汝背與距外侮有犯烏維憑六龍頓轡或少軻知有
神物擁護終是陰為懲不然日圍千里不一蓄棲爾其
內將何營及茲陰精盛所歷乖常經陽烏雖神力寡弱
勢重不敵從侵凌避集扶桑枝噤縮潛威靈想當既厄
時如何炎官赤燁不率其徒來助勢與聲彤幢絳天鼓

雷霆振鳥挾日騰兩駟火吻噴薄摧陰凝逐兔入月脇
隱伏跼其形撲朔知所懼迷離黯光晶含章合玄度安
曜周八紘天公此兩目萬古更不盲嗟予既匪羲和官
區區空抱傾陽誠天高不可階此事難具陳作詩擬月
蝕欲見此志終或伸盧仝撫掌韓愈笑吾等狂德君其
隣

南宮老仙雲山圖

朱襄陽筆應
奉李受益藏

南宮玉堂春晝晴瑣窓霧垂幽思清先生胸次幾丘壑

淡墨落紙詩無聲白雲滅沒春山碧萬木淋漓元氣濕
風煙自昔鹿門深似愛龐公不浪出襄陽雲卧思怡悅
不為濃纖爭巧拙虛堂生白定何如玉氣柱空虹貫月
盧仲傑送所逸東萊集二帙

盧卿贈我東萊編偶逸二帙心茫然朝來覓送喜欲舞
有似合浦珠還蠙要書不必三萬軸插架所貴皆成全
風軒讎校忘午寢一讀三嘆鏗朱絃每逢佳處時再款
不惜兩眼遮昏煙就中細味官箴作覺我踈愚性最便

僉院趙公許惠歐蘇集作詩以問之

平生性癖耽墳籍細字牛毛早年筆只今五十眼昏花
清晝看時滿行墨投身散地百無事不着書遮如有失
趙公嗜書似鄴侯不為章句非雕搜綰持樞紐日多暇
借箸自有胸中籌更尋往事較所處有夢不到琳琅璆
嗟余何者登瀛洲殘膏未克窺前脩淵然潤海蛟鰐翥
洞視千古蘇韓歐文如不作作取法捨是三子將誰求
窮閭雖具何足玩破碎重黑支吟頭牙籤插架三萬軸

誰省浙本鋪銀鈎或蘇或歐兩俱可勿使石壁成空投
仁存義舉侯門事却恐乘機似巧偷

仁存義舉用史記
侯之門仁義存晉

石壁見

管子

涇陽鎮中秋贈馬

去年中秋客燕山把酒望月空雲烟今秋此夕涇陽鎮
六合一鏡懸青天乾坤豁開真境萬籟無聲露華冷
京華多暇賞心違長路無家此清景須知世事皆偶然
賸却私憂胸刺梗同行喜得馬少遊月下一樽遙對影

愛君才氣白眉良攬轡澄清知所省豸冠自古出儒冠
老鶴何為隨露警人生幾度中秋月不學羣兒欲圓缺
舉杯酹月月應聞安得玄霜變華髮追逐諸君昌晚節
小邊行一百五日同摠尹張彥亨赴小邊口相

視河流回馬上偶作此詩

北趨小邊相河害坐看長堤驚裂壤中流忽起劉子嘆
䟽濬神功思禹大憶當殘金竟河界兩涯峽束如縈帶
靈鼉萬鼓動地來洶洶聲聞千步外堤防不議四十年

河行虛壤任從遷乃今去京無一舍衝波南卧翻鯨鱣
今年築堤捍滄水明年捲掃防洄淵濤頭况與酸棗直
南北高下尤相懸既非經瀆久遠計徒費民力妨農田
止有避移簡上聞放之曠野從奔衝不然建議以土湮
大堤縷水橫西東捷以木石東逾鐘迤河東去過京角
此是永逸無窮功作詩擬達宣房宮

夢陳節齋

至元十六年己卯寒食夜卧開封後堂夢節齋陳公

既覺呼童吹燈信筆賦此追憶往事令人短氣書示
正甫敬甫二君子同為一嘅也

花枝入簾春夢香遊絲翻空清晝長今年寒食客梁苑
追憶往事心彷徨前年考試登斯堂陳侯館予羅酒漿
扶床高詠逸興發不覺燈前大雨聲淋浪生平胸臆向
予盡使我肝膽爭開張重來物是人不復夜夢見之晝
微茫誰期此會乃死別口血不滅吳雲蒼攬衣起行步
落月梅影滿庭空斷腸

信陵公子行

與西溪
同遊

春風獵獵吹輕裘聯鑣來作夷門遊
令人遠憶魏公子徑上吹臺臺上頭
却秦存趙震九土誰意抱關老吏能
此帷幄之良籌飢腸自古出奇策
功成何害屠沽流高皇布衣重公賢
大梁城邊幾遲留一朝龍驤開漢業
舉功不復詢來由豈非慕蘭承餘休
嘗讀太史公今日把酒酌墓周當日
朱門滿歌舞此時野草荒山丘醉歌
信陵行碧雲日暮寫我憂英雄割據
雖已矣高義凜凜橫

清秋追攀逸駕那復得落日倚劒看神州

題子猷廻舟圖

勾吳四時無正天嚴冬之月猶春妍朝來一雪天地白
田父適喜爭狂顛宜其佳客逸思發乘興徑上山陰船
煩襟囂慮一洗為瀟然江東名流說戴逵高談禮法殷
春雷子猷恐是虛華士竟棹空舟夜半回

山陽早發

踈星綴空殘月炯我行早發山陽境太行九月未黃落

一片秋光蕩林影愛山竟作三日留心下快活還自省
江山登覽幾能度素髮飄蕭已垂領愧無明略濟清時
性蹇才堪卧雲嶺長疑造物若倒顛馬使守閭車挂鼎
十年欲作百嵒游此度徑來猶事梗勒廻俗駕似有意
未許嵒畔遂幽屏醉臺劒沼兩寂寞夢寐賞心終耿耿
馬頭回首望山門白雲抹盡青山頂

雄狐行

黃蒿古城狐晝行窟宅深固通精靈群狸闖首潛助勢

跳煙嘯月妖腰輕社翁不神名則在將假其柄先憑陵
西隣有雞奪已饜東家有羊願指烹乘機侵刺恣所欲
草棘蔽翳無田鷹老羆惑媚過不睨飢烏噤啄寒無聲
我雖老鷲爪距禿一擊欲示終身懲遽然脫去成漏網
固厚其毒羣心驚眼中雉兔盡何益使我怫鬱難為情
歛翮坐覺秋風生

月老招飲

禪師慰我從事勞臨臯置酒來相邀西軒雖小面流水

柳塘風物春飄飄。舫船一棹入法海。照眼孤月翻雲濤。
既逢方外對佳景。不飲亦復心陶陶。况師有酒藏已久。
快吸儘足供鯨鰲。張侯引吭歌未闕。嘉甫抗首賡其騷。
杜卿尚子噪於側。冠佩倒落軒鬚毛。僧云劉君更開爽。
惜不同醉持霜螯。連揮大白不知數。醉眼四顧天為高。
出門乘馬復班如。壘酌已罄猶瓢操。一聲隣笛起落日。
追憶往昔懷英髦。陵川已矣九帥死。此樂無復爭禪逃。
眼中文武驚墜地。悲風為我從空號。予雖老驥志有在。

為國涕下沾綈袍
陌頭柳色春向晚
南塘碧水深幾篙
簡書有程促又去
悠悠離思懸干旄
醒來信筆紀其事
雅集難再誇吾曹
阿師深藏莫輕示
政恐見哂螟蛉豪
望黃金臺歌

君不見孔子修春秋
二百四十有二年
燕人軟血纔一見
下逮戰國尤茫然
維南聲教耻不與
苦羨齊魯多英賢
黃金不惜築此臺
當眼何限郭隗材
政緣市駿售其骨
雲煙轉盼龍媒來
古稱得士國無小
甘棠世業如天

開悲風瀟瀟易水暮往事不復令人哀昭王之名傳永
世黃金高臺安在哉

越雞行贈柔明憲使

君家素雞何異常來自越裳天一方又聞越溪之女天
下白臨流照影長相將久之氣感與俱化不覺粲粲
爭輝光兩足不盈握軟玉紅鱗芳孤唱有餘韻滿喙銜
風簧丹砂暈頰絳冠小雪毵覆背銀絲長雅宜宮閣催
曉箭攔干五夜凝秋霜玉人前頭列朝行風雲劒珮爭

翺翔歸來故家對此物夜夜夢到雞人傍呼童愛養無
遠出飲啄長使居中唐深沉庭院縈回廊離離花影翻
春陽今春哺雛凡幾輩晴雪亂點筠籠香我從公子偶見
索苦要鄙語為相償初心玩物物反玩戲吐綵綬信鳴
吭他日雛孫求執贄不愁無物餉韃郎

春溪小獵行

經畧史公子明春溪小獵九公子有詩以紀其樂索
予同作至元庚辰三月三日五夜燈下走筆賦此

春風兩岸春草碧漫漫溪流野鳬集花邊高塚卧麒麟
拜掃歸來見豪習一聲畫鼓警鳬飛霜鵲翻空着橫擊
離披五色墮馬前血洒平蕪驚半濕野橋淡淡夕陽低
回風颭溪神泣不愁歸具衆賓湏紅燭金盤快鮮食
將軍往歲東西征苦竹崖傾江島赤高勲烈烈在雲臺
婉孌龍姿見平昔平生得意在戰酣州郡徒勞非我職
明時政有逐禽樂醉聽清商還自適鼻端出火耳生風
夢裏弦聲聞霹靂君不見姚崇奉詔趨新豐徑入長圍

吐奇策呼鷹縱犬少年事大拜曾從指縱得君侯逸興
浩無邊老作獵師三萬日帕車過市掩新婦此事終為
景宗叱自憐白髮兩眼昏矻矻窮年太玄筆君王有夢
渭濱畋苦恨非熊深自惜

野兕行

東山何高與雲齊松栢蒼蔚深巖棲龍潛虎伏變叵測
野兕何者依貌羆暮學羆怒嘯朝循羆所蹊睥睨弱者
肉獵食長林廩內助陰血盛外增長豐肌龐然非不偉

椎魯初何知時時具饜餘啖罷假其威復從羣獠弄舉
指甘傾危同類忌投鼠將為真得二獸之幾微漫淫犯
行路跋扈恣所為窺竊乘物便大笑狸怯狐多疑孤鶚
憚弗擊林鳥噪而飛獵師厚其毒使之自狃披一朝果
投穿慘悴兩耳垂掉尾乞衆怜趨蹌曾不如狐狸吁嗟
野兕兮一懲不省為福基惴惴且免行人悲

哀老殷辭

至元十七年三月二十日南詔進象過安肅州軍戶

老殷為象鼻東而死余適覩其事乃作此辭

哀老殷平時皞皞為王民荷戈幸不死鋒鏑胡為此獸
戕其身哀老殷賤且貧有兒十歲纔解語有婦出戶無
完裙髮膚一旦委巨齒身後名在征南軍朝來棺歛哭
過市慘慘悲動梁臺人我聞白傳引馴象為君諷諫何
忠勤珍禽奇獸貴不畜此雖至馴安用云偉哉樂天古
良臣

憫雨行

至元十七年夏四月廿四日自東鹿縣入深澤午憩
西河鄉錄父老語車中足成此詩時所在祈雨

旱蟲食桑桑葉無穀不出壠麥欲枯人間四月號清潤
物色慘悴幾焚如車前田畯向予說半歲無雨祈霑濡
春蠶滿箔棄欲盡鋤戶起熟多空廬社翁致禱略不神
仰盼一雨何時蘇嘗聞古人遇災懼牲幣徧走山川雩
外修政務內自責念及女謁并苞苴昨朝冠蓋稱觀使
田務督責須勤勩農非耕稼何所事勸至無勸將何趨

一和繆贛良有謂蜴蜥滿盎真無辜我初聞言顏已厚
食不下咽心為瘉憑軾歸時長嘆息欲對畸人意先屈
因思漢相問行特爽和恐是三公職近年氣運例儉食
須臾莫倉猝驅車疾去指前途落日蒼茫下喬木

秋澗集卷八



總校官庶吉士 臣侍 朝

校對官學正 臣卜惟吉

膳錄監生 臣金特

欽定四庫全書會要

集部

秋澗集卷九

詳校官助教臣謝登雋



欽定四庫全書薈要卷一萬六千一百六十五


集部

秋澗集卷九

元 王惲 撰

七言古詩

滹沱流澌行


征西傳云世祖自薊馳至饒陽蕪婁亭南渡滹沱

入信都王將軍霸稱冰堅可渡處今鼓人指縣東北
龍華鄉故河道曰全渡者即其處也且以饒陽取直
趣異其經鼓縣東界無疑但河自收國庚午徙縣南

行流問諸父老云今七十有一年矣春秋鼓聚在今
縣西五里廢城尚在今曰下曲陽者是也至元庚辰
夏余按部是州士子張春卿者請余紀其事因為賦
此

王郎何人著柘黃欲與赤伏爭翺翔漢炎中斷天復熾
肘後頑石胡為光蕭王揮戈指幽薊戰血滿野風塵蒼
募兵返得市人噓當時南馳亦倉皇鳶鞮城東潯水長
北風烈烈天雨霜前驅候騎兩失色河雖流漸無可舫

菟肩麥飯未下咽大冰橫水堅於梁古稱王者阨不死
淮陵一言殆天使赤龍已渡凌四開白魚躍舟未逾此
壇亭王氣如水清妖氛邯鄲死灰耳彼蒼有意開真主
固令若輩先驅處君看隴蜀最健者一旦等蛙終漢虜
王郎區區安足數蒼茫此日龍華渡漠漠野煙生綠樹
留在長河閱世人萬古朝宗浩東鶩

布穀辭

按部饒陽行次劉楚馬上聞布穀偶得此辭

平郊寒涼朝雨濕耕墉離離引繩直一聲布穀動前林
臺笠相望竟朝夕良苗芟芟入我鋤結舌深潛綠陰密
田家衣食仰堪興一勤之外初無餘嗚呼禽鳥司農務
勸課之吏當何如

惡鴟行

有鳥不世用其名曰鴟鴞前林崖窟黑飛鳴假狐妖啄
食公私間遼野為蕭條嬉飽摩高空遠觀聳盤鵬不憂
穴破老妖死惡聲向人恣喧囂正為腐鼠嚇有鬚無廼

療病鶻困孤擊霜秋此其朝我病非苦飢我困非為調
跼跼垂兩翅坐使窺雲霄老拳固有利不利搏逐之志
常超遙倘不與之護返為物所撓主人一呼良未報不
緣自獵矜風標會當攫大惡併驅若類直出六合分鸞
臬錦鞬脫落青絲條

鴻雁歌

膠船幸脫長河津朔風慘慘吹兵塵天摧地圯岸谷易
骨肉離散如驚麇吾宗積德僅不死有淚空洒天街雲

歛傳伯姊落卞漳女固有行遠弟昆怙恃既失寧復得
得見女嬃如見親最虞身在墮羈縶彼此契闊尤酸辛
裹糧物色不憚遠西走懷洛東羸秦眼穿足繭幾萬里
歲月荏苒三十春竭來古鄆天假便鴻雁遽接秋風羣
相省喜極淚如雨恍若夢裏招離魂軒軒喜氣溢須眉
此事希有爭謹聞金鸞誥書五花文紫藤肩輿繡羅茵
馬君初非羨此樂一念有在明天倫君不見守真祿養
殆常事慎矜母奉宜相隣高平王氏觀津馬兩族丕顯

全親恩更因識姊表宗系衰俗乃爾逢斯人為君濡毫
紀孝愛長使竹帛流清芬

健兒歌贈李裕卿

南來見君喜殊常不為秩滿身精強掌中擎出一珠新
大覺門戶生輝光此生抱弄萬事足晚景雖迫心無遑
頭圓骨緊眉目爽已解顧語呼爹娘阿宜自是樊川秀
剝備詩書滿百箱

贈滑州龍教授取新

蜀山相繆鬱蒼蒼龍君來自西南方馳聲塲屋少年事
筆底秀色翻巴湘滑臺一落三十載冉冉青鬢今秋霜
勅書在手無所得坐老茅屋青衿庠揭來聞君擅術數
萬有飛跳天星光方圖據說窺蘊奧解我中熱心遑遑
又聞天人本一致物欲將至先開祥紫垣昨夜動光彩
進賢奕奕三台芒書生薄命何足道此去蒼生得小康

馬天章畫廬山清曉圖

平生愛讀廬山高不識廬山何面目眼中忽墮此山真

萬疊蒼煙彭蠡曲江南地卑苦炎蒸暖翠濃嵐氣多鬱
馬卿幼作清曉圖特為千峯濯秋骨恍疑坐我瀑流下
淨盡煩襟貯清淑何當杖履東林游一樽共吸江水醪

放猿詞

霜林萬葉翻朝紅老狙夢到秋巖重幾年胥靡辨兒劇
物失本性心為忡主人誰似俯仰翁放之遠野將何從
封龍雲深洞穴暖東山之西西山東衝煙嘯月恣汝嬉
曉驚無復山人扉歸時物情喜兩適豈為爾心知不知

田家謠

君不見紇千山頭雀翔集止其所正緣生處樂凍死不
飛去人生重鄉情疇非戀吾土丘壠蓋世守耕鑿自父
祖一旦委之去倉皇事羈旅豈不知朝辭敝廬空暮宿
何人塢身負逋逃名比訣心良苦我本耘田客挨排為
主戶歲無擔石儲日有箕歛聚剌肌醫却眼前瘡肉至
無剜瘡愈腐支持非一朝窘至空捶楚東隣富室日優
游西里豪家厭溫飫平時皞皞等王民一苦一甘遽如

許兩淮悠悠田四開差徭不及無天災比之老稚轉溝壑一飽而死猶春臺水深林茂魚鳥樂此雖古語為時哀可堪大府督州縣親臨之官胡為哉我初聞言為嘆息天網恢恢疎不失只今六合混一家此雖遠逃何所適但思逋負洒餘民似此被耽轉疲極

素馨辭并序

五代漢劉隱女曰素馨死其墓生花甚香因以女名目之後人削降香作薄採以此花蒸之及蕪比本品

極清遠無濃重勃鬱之氣顏公仲復謁余試之誠然
作是辭以紀其異

紫檀為屑世所珍降香變體吾未聞漢宮有女號素君
歿而墓花香若薰降檀氣味多濃鬱蒸以素馨清且淑
顏公袖出赤龍鱗入手如遊衆香國夜深一炷雲滿室
素馨之魂降鶴骨君不見西施苧蘿山下子膏沐深宮
轉清美一朝吳亡隨范蠡隣女效顰終莫擬素馨得名
從此始

宣和寶墨歌

宣和殿深春晝長老徽宸翰昭回光墨卿入奏少許可
追逐五季參三張猶卑古法出新意萬笏細搗和龍香
宮鴉借色翻朝日三十六宮香霧濕鳳飛龍舞九天來
雙影盤盤落玄壁流傳人間今幾春顏公得之知所珍
有時一勺試龍溪翠研霽霽看玄雲錦囊舉世為寶玩
何知尤物反玩人以茲過客自有屬重以連壁輕埃塵
龐眉書客秋澗子老不進道技乃伸右軍筆端有陣法

需此甲盾方通神作詩一笑師應聞

寶鼎歌贈開元僧法恒

僧回來自勾吳天袖攜寶鼎心欣然遠遊萬里無長物
愛此古色暈碧玉有煙土華千年不敢啗夾底錚錚堅
比鐵雲雷繞腹走神光兩耳孤撐伸夔屈我初驚見心
魂動老眼增明喜生頰憶在玉堂觀博古此鼎依稀冠
周譜摩挲龍款四十九王自成周徙居楚細看云是季
妣彝享錫臣交無乃祖君不見殷盤夏鼎今何有此物

區區歷年久供佛牀頭夜壑深一旦胡為落吾手斯文
三代周為郁孔意姬情子素守嗜心既至開有先夜半
燈前負之走僧恒拊掌喜有歸却恐獅王怒如吼

義俠行

予為王著作劒歌行繼更曰義俠或詢其所以因為
之解曰彼惡貫盈禍及天下大臣當唯天吏得以顯
戮而著處心積慮一旦以計殺之快則快矣終非正
理夫以匹夫之微竊殺生之柄豈非暴豪邪不謂之

使可乎然大姦大惡凡民罔不慙又以春秋法論亂臣賊子人人得以誅之不以義與之可乎又且以游俠言古今若是者不數人如讓之止報已私軻之廟軀無成較以此舉出於尋常萬萬也凡人臨小利害尚且顧父母念妻子慮一發不當且致後患著之心孰為不及此哉然所以略不顧惜者正以義激於衷而奮捐一身為輕為天下除害為重足見天之降衷仁人義士有不得自私而已者此著之心也何以明

之事既露著不去自縛詣司敗以至臨命氣不少挫
而視死如歸誠殺身成名季路仇牧死而不悔者也
故以劒歌易而為義俠云著字子明益都人少沉毅
有膽氣輕財重義不屑小節常為吏不樂去而從軍
後與妖僧高北假行千夫長歸有此舉死年二十九
時至元十九年壬午歲三月十七日丁丑夜也

君不見悲風瀟瀟易水寒荆軻西去不復還狂圖祇與
螭蛛靡至今恨骨埋秦關又不見豫讓義所激漆身吞

炭人不識劇軀止酬一已恩三刺褰衣竟何益至今冠
古無與傳堂堂義烈王青州午年辰月丁丑夜漢元策
秘通神謀春坊代作魯兩觀卯魄已禰曾夷猶袖中金
鉞斬禹劒談笑馘取佞臣頭九重天子為動色萬命拔
出顛崖幽陂陀燕血濟時雨一洗六合妖氛收丈夫百
年等一死死得其所鴻毛輜我知精誠耿不滅白虹貫
日霜橫秋斬頭不作子胥怒地下當與龍逢遊長歌落
筆增慨慷覺我髣髴寒飈飈燈前山鬼忽悲歎鐵面御

史君其羞

贈僧芝庵

我吟越雞行君在西溪席軒然一笑喜相逢秋水為神
犀插骨西溪提筆顧余言渠乃芝庵名甚籍下階揚袂
遽別去三載不聞音與迹竭來叩門忽相過促膝高談
論平昔升堂幾作獅子吼雨花散衣空不濕近便野水
洗心法塔廟龍宮知避敵南游梁園東入魯所在英豪
多舊識公材吏用衆所稱風土河東見雄碩皇皇仁義

昌黎公當時救世心何亟浮屠往還非一輩例欲加冠
嗟莫及芝庵洒落澄觀流我匪潮陽徒感激歷山風烟
春事深七十二泉俱可吟一庵靜卧挂飛錫布地不羨
千黃金只緣萬象森羅妙到處行窩是賞音

題右相文獻公畫鹿圖

明昌昇平兵四偃帝樂餘閑見丕顯時從靈囿集嘉賓
復引詞臣事秋獮風流右相東丹孫不為丹青侍游輦
睠焉德業魏文貞下遂物宜隨氍毹泰和行宮漢五柞

槲葉秋山如繡錯鹿鳴不盡君臣歡
扈從歸來雁霞角羣遙知擇美蔭
遊雅馴似應騶虞作食苹呼友見天
全筆底龍騰驚濯濯蒼然角尾千金
姿我拭老眼三見之

至元甲寅年觀王氏所藏公畫即鹿一十六年李正之處觀所畫行鹿二十七年甲申三月十四日於魯孫即律美甫處又觀三鹿圖就中雪毳何多出恐是當年獻瑞圖

桑穴嘆

穉桑發暮春綠葉光旖旎田家歲計固不常
農婦相桑掃蠶蟻黑霜一夜從天來萬樹焦枯
遭燎燬今春繼以

海多風剪碎枝條生意靡天孫仰訴錦機空寓氏倚壇
如喪妣蠶生時序三月尾過晚終非應時美只緣闕飼
勒遲生往往中乾空滿紙山東自古絲續窟大收之年
有不熟一婦不蠶天下寒况復例災過慘酷緼袍雖敝
歲可卒所嗟盛陽月陰凝返爾肅府州文移速於火稍
緩申期慮難復不知和氣誰所傷田野疲氓先被毒部
家科勘動正月中省限催嫌不促老農拊樹嘆不已頃
年乘灾免絲徵楮槩人言此是前省過但恐已免復徵

又似去年秋稅例

入奏行美聖政而重民急也

君不見燕南饑民行且泣膏澤屯來三百日蠶沙噬盡
木皮空剝末草根充餽食追胥星火縣帖嚴官不汝憐
需稅石人生鄉土孰不戀一殍迫臨那得惜扶羸載瘠
總南道鵲面鳥形猶努力比之坐斃不相保趨熟庶幾
延旦夕刑司府解兩虛文道路無言空嘆息吾皇德並
唐虞聖軫慮斯民期日靖傳聞一介或可相不問草茅

分政柄因思治道責有歸未洽鴻熙臣下病纔豐祿秩
即患失又以材疎難仰稱蹲而不去噤無聲老鳳飢烏
同一證西臺入奏沃淵衷蹴踏羣癡聞善政盡蠲秋賦
出御女百色支供皆省屏若稽黃屋帝堯心一語又安
無不聽萬方歡喜聲一概遠過漢家寬大令三錢斗米
說開元免稅戶除聞大定限田固是平世法未免區區
與民競況今江淮歲入數不貲經畫有方財恐贍人和
天地氣自舒一雨行隨明詔應老癯扶杖願少留又賴

鴻恩拯懸磬兩河千里麥青青預賀有年天子慶

紫藤花歌 并序

癸未歲三月二十八日宋賓客乘澤車過道宮訪余
時庭中紫藤花盛爛若錦摛道師蕭公邀宋與余坐
藤陰下尋友人張明之亦至酒數行開口笑粲殊適
然也宋因出名紙屬予作字一春天氣不佳此日頗
清潤可愛既援毫覺幽香馥郁時集筆端放手喜書
初不計其工拙也遂話及樂天夢元九故事予曰二

公雖神交如此恐未若今日之樂衍也若取紫桐詩
例賦長句歌之以為他年林下一段奇事可乎宋曰
吾子便可承當遂率爾而作歌曰

竹宮瑣窓雲霧垂紫藤花發何歲蕤仙家駐景出異供
橫拚桃李無晶輝羣蛟奮蟄力猶困鱗鬣不耐淒風吹
天孫夜擲紫霞帔滿意下覆湏春曦幽禽縮喙不敢啄
囚鎖恐泄蒼精機又如王愷紫絲障誇雄鬪侈光陸離
倒冠落佩衆賓醉臨風零亂千纓縷虬柯扶踈散蒼翠

季倫擊碎珊瑚枝青宮賓客今園綺杖藜來叩仙人扉
遙驚紫艷翻半空造物乃爾爭新奇君不見香山老居
士夢與元九神交馳覺來清吟增悵望紫桐花下空懷
思何如吾儕時燕集對床話久藤陰移興餘屬我掃牋
素爛柯不着山間棊刺簷入戶要學騰蛟螭鳥歸花落
香撲來時集毫彩霑人衣一杯春露助香潤清氣貯滿
詩人脾依依青裊厨煙起好命庖人辦新醑炷香供具
禱羣龍莫學癡藤蟠未已燕南飢民飢欲死

聽馬姬彈明妃引

疎簾映閣春晝晴篆香一線浮雲縈主人娛賓出雅樂
疑是雪江一派分得岷峨清當窓初調逸餘響大絃琅
然小者音泠泠衣冠四顧靜且好漸覺指頭浙瀝風沙
驚自云明妃出塞引當時去國難為情黃雲馬上幾千
里昭陽宮殿孤鴻冥琵琶恨絕環珮冷漢月空照黃昏
城千年謾向圖畫見一曲能寫離鸞聲我非聲學固不
解古道古琴誰復聽洋洋盈耳紛蓊蓊

讀舜廟碑

至元廿年二月七日同劉節使景融由西園過舜祠
入真陽庵觀唐貞元間顏魯公子顏所書幽州節度
使韋稔重修舜祠碑書畫端莊殊有父風

劉君邀予閑散適行過西園感疇昔來遊長憶至元初
隱隱故牆猶竹色半陂春水浸遺臺歲與都人作寒食
綠波乾後燕無泥野粉飄香土華碧相將步入野人廬
求訪貞元虞廟迹我欲遠呌蒼梧雲重華一去寧復得

殘碑不逐劫灰空扶持信有神明力道人拱手說向予
拂拭顏書三嘆息

星聚鳳池硯歌

宋賓客弘道出端硯示予背有七眼題曰星聚鳳池
其狀皆作人目平豎蓋未嘗見也先生喜翰墨又目
疾新愈即得此硯豈尤物有歸將為文字之祥耶抑
洞發神光增雙明於桑榆之境耶喜為作詩以歌之
其詞曰

硯之同功甲與鉞試之敵場惟利堅其或返是奚用焉
嗚呼此硯從何傳墨華猶帶紅雲鮮景星會弁舌有泉
鳳池春漲光流淵松風瑟瑟聽磨研君看淚眼真茫然
斲手愛惜猶珠蟻江山秀發駭一世乃今碧眼開癯仙
先生神光還舊觀皎如明月澄秋烟潛心雖澹開有兆
不爾此物胡為前硯因喚起襄陽米走虺驚蛇見醉顛

贈張道士

大方之家本靜虛天地俯仰真蘧廬鵬鵬氣化分小大

二者角勝相乘除天真所至自行火閨風蓬苑皆焚如
先生超超萬里鶴跼蹐肯受樊籠拘潛心大易中有得
南華禦寇資譚餘未容飲啄遠雞鶩歷徧物表須人徒
紫微二兄老且健一念天顯存斯須今春掛囊海子觀
此身之外簞瓢無鵲鷁何嘗沙水寒心迹自與閒雲俱
君不見三茆道士稱博洽當暑講說方舒徐怪魅適從
何處來怒罵似泄仙經樞張鍊師宜何居談天有舌儘
雄辨閱世雖泊寧忘軀神仙近日足官府道心元與時

情踈屨盈鄭圃適為累慎勿出口他人徂河南秋熟一
萬里遁身丘壑真良圖少室山玉華溪紫芝曄曄青
松肥吾獨胡為坐長飢約君歸袖風投披

辛夷花歌

樂城城南沙水潁在漢名為新市里中山遊燕北離宮
亭沼當年百花底至今辛夷植縣圃我初來觀欣細履
碧桐為身梅作葉好雨初晴更娟美千年故苑風土香
草木含滋猶泥泥每逢臘盡花已苞滿眼故家毛穎子

宛然白賁揮秦冠載事彤庭紛內史春風芙蓉散木末
紅影亭亭失秋水騷人取爾為楣梁記物豈獨誇芬芳
柔姿中有孤潔操首出庶物翻春陽我因繞樹三嘆息
喚起湘壘共一觴

至元癸未夏四月廿五日同獲鹿主簿蓋義甫

同遊封龍上觀

宋人碑云昔趙駱元遇徐來勤授丹元素服之返老還童白日

飛升又云徐童花徐所種

龍首峰高幾千尺暮雨濯山山更碧我遊上觀風日清

手弄寒泉看龜石幽人愛泉說向余藉此品棲從自昔
駱元真遇事微茫丹素曾傳不死方山林長往世所有
白日仙去誠荒唐祇有徐童花色異秋風開處滿山香

題桃源圖後

至元癸未夏五月二十日經略史公邀余樓居燕語
仍出示桃源古畫二大軸蓋佳筆也公因詢茲事有
無其意果云何者明日賦此詩以呈

君侯示我桃源圖絹素剝裂丹青渝衣冠俎豆三代古

髣髴物色開華胥當時傳記羨樂土序說本末何敷說
半山歌詠似撫實昌黎論列疑其虛千年繪彩見遺跡
桃源之境誠有無君不見淵明千古士心遠與世踈羲
皇而上每自況肯隨澤雉樊籠拘絃歌歸來朝市改故
山田園松菊蕪斜川風景固足佳未免結廬人境車馬
時喧呼復讎宣力兩不可天運乃爾將無如遐觀高舉
深意在安得超出物表冥鴻俱因緣聞此武陵說託彼
奧隱稱樵漁不然果有繼問津雲煙出沒何須臾又不

見山林不外天壤間迥與世隔皆仙居桃花流水窈然
在放浪而即斯人徒放浪而即斯人徒

贈九萬戶

昂藏野鶴誰能馴澤雉雖美終無神一篇秋水江海濶
兩袖醉墨雲煙春猿翁學劍事跡祕蘭舌解紛詞調新
萬事人間歸一喙雙旌燭影見來頻

用淮西將劉沔事
沔常為李生將及

拜天將有人授燭二枝後常見
燭影在雙旌上出酉陽雜俎

嗟嗟往河濱

嗟嗟往河濱瀕河之患愁殺人虎狼雖暴猶可禦秋水
時至其容奔農民家近野河居活計起種河之淤比年
旱暵我頗獲餬口之外供王租昨時一雨川澤通黑浪
夜捲田廬空畸人何止賦分薄有家舉葬魚腹中嗚呼
山虞虎害水即毀捐瘠斯民老則已

溇沱秋漲行

君不聞蒙莊說秋水兩埃猶見馬與牛今年溇沱水大
漲墟落澌澌生魚頭雲蒸老雨注萬壑上不少止下可

憂馮夷不受上所制黑浪怒蹴龜鼉遊望洋東視誇海
若似憤蛙比跳躍井坎湫金行氣肅坎宜縮狂瀾不逐
西風收東行我濟小范口水勢淼漭方淫流秋禾盡為
魚鼈餌廬舍漂蕩迷田疇二年旱暵例乏食彼稷幸得
逢今秋嗟哉一飯到口角渰沒無望將誰尤河防久廢
不復古惟預捷治為良籌翻堤決岸勢不已雖有人力
誰能謀近年遇災幸無事其或闕患徒嗟諏兩河農民
被災者逃避無所棲林丘夜深投宿聞聚哭悲聲暗與

蟲聲啾

謝安從事見贈放生池碑本

我嗜顏書觀欲徧獨有放生碑未見昨過高齋偶得之
喜氣津津睟吾面安卿捧持即見遺物遇真賞茲何為
掇渠所愛適余願風義矯矯非君誰君不見集古書成
叙說長玩而欲老希歐陽最憐茗雲溪邊月一夜分光
照客牀

紀夢

癸未夏六月十一日夜夢劉使君相過腰間佩二寶
劍解以示予又袖出書一卷曰此君先世筆也紙色
黯慘字類離堆用朱鉤填若新髹漆者與之語甚洽
劉貌肖河間劉清卿既而為風雨驚覺聞夜漏下三
十刻矣

劉使君跨蒼驎翩然而來空際雲腰間寶玦佩兩劍青
蛇躍出光粼粼誰為昧平昔款語情何親復為袖出先
世書一卷紙色黯慘皆奇文大如離堆幾百字鉤絡朱

墨殆似髹漆新殘夢忽隨風雨斷破窓驚聽怒濤奔

平原行

羯奴騾兵傷濫恩天寶之禍將自焚三郎宮中略不省
履霜有戒知何人平原蹇蹇真王臣沈盧久識幽營氛
泛舟從酒運奇略一日樓櫓驚雲屯鐵輦南來縱獵火
河朔風靡烟塵昏孤城平地獨與抗勇鼓義旅爭鯨吞
西開土門倚蛇陣南激睢守遮淮垠溜天腥穢思一掃
誓與此羯不兩存書生信能立大事竟掣賊肘西南奔

事雖曠代有足感魯公之義世所尊我來弔古增永慨
蒼烟草樹連荒闔欲尋遺廟不復見寶刻留在東方珉
栖蓋亭前野日曛平原城下酬忠魂朝廷何嘗容直道
志士蹈難甘捐身此心自視無愧色一時知否非所論
嗟余何者敢跂慕屢書不厭梟鸞分當年紀載兩鬼蜮
九泉奄奄隨埃塵先生一死固不朽雅操何翅同松筠
故應烈日秋霜氣千古堂堂凜若神

常山太守歌

天寶之政植禍根明皇宴安如不聞海棠紅嬌荔支綠
玉笛吹滿長安春潼關之車空鱗鱗曲江水邊多麗人
羯奴東歸叛意決先以羽獵驅其羣朔風萬馬捲遼碣
殺氣已慘濤沱垠常山太守臣顏昕聲勢東合平原軍
憤提一旅徇國難捨馘心手遮橫奔桓桓袁侯復何壯
傍翼勁翻張其鱗長蛇中擊斷首尾後掣其肘前行屯
西開土門引義幟再廓宇宙清埃氛天令完節昇二子
漁陽游騎徒紛紛天津一死有餘烈夢入帝寢何其神

只應千古雷霆氣長與先生洒怒嗔

負籠行

炎風吹沙高路赫穰穰羣奔密如織筠籠脩擔不留行
一寸萋藤土膏濕萋藤來自海南陬歛貢不入禹所收
熙朝進御列珍品何異草澤加公侯昌黎不須感二鳥
物有時遇非人謀志士何苦身巖幽

秋澗集卷九